



17574

kat.komp.

I

Mag. St. Dr.

P

Mucharski Petri: Epopoeia Nobilitus ac Gene-
rosis Neosponsis Francisco Gordon
et Margaritae Portae.

PANEG. et VITAE

Polon. 4.

№. 268.



M

D

M

In C

54
8.

AA
EPOPO'EIA

NOBILIBVS AC GENEROSIS
NEOSPONSIS,

D. FRANCISCO
GORDON,

ET

Lectissimæ Virgini

MARGARITÆ PORTIÆ,

Amicis suis intimis

CONCINNATA

A

PETRO MVCHARSKI,

Medico Cracouiensē

ANNO SALVTIS,

Misit DantisCum cLio sVa munera Sponsis,
Iunius octaua reddidit illa die.

M
D
C
L
V

CRACOVIAE,

In Officina Viduæ & Hæredum Francisci Cesarij, S. R. M. Typ.

Permissu Magnifici D. Reſtoris Acad: Crac.

508.
33

Nihil est tam naturæ aptum, tam
conueniens ad secundas res
& aduersas, quàm amicitia.


Cicero in Lælio.



Præcipuum est domesticæ pacis, ac omnium bonorum fundamentum, si mariti secum consentientes sint per omnia, nam ubi hoc fit, nihil triste contingere poterit Coniugio.

Chrysoft: ad Titum

Hom: 4.



EPOPO'EIA.

L Inquens CRACIADVM Parnassi culmen Apollo,
Lechiadum varias properando deserit artes,
Sicelidum charas secum ducendo Sorores,
DANTISCVM tandem fluuio discedit amæno.
Quid plura? Ergo nouis laribus clarescere gestit?
Vt prius Odrysios linquens impune triones,
Ausonijs hospes, Lechicisq; penatibus hæsit,
Pauit & Admeti gregibus ripas Aganippes;
Sic fortasse noui quæret penetralia tecti?
Exul an æternum? Lechicisq; fugatus ab oris?
Non ita: sed nostris cum vix ea cognita labris
Causa, quid attentet? quod pergat? quid velit ille,
Pandite vos Heliconæ Deæ, causasq; mouete.
Nuper ad Eurotam, postquam lassatus Apollo,
Insperata suo repleuit gaudia luctu,
Exos & exanguis, chari post damna Strategis,
Orbe pererrato statuit lenire dolorem:
Iam magnam Europæ partem lustrauit anhelus,
Et tristes oculos, nunc huc, nunc proijcit illuc,
Vritur infelix veteris formidine casus,
Donec ad Aonias CRACIÆ reflexit Athenas,
Hic paulisper agens, recreans paulisper obortas
Rore genas, (tantos Hyacinthus adegit amores
Flere Deum?) postquam vera hæc solatia sensit,

E P O P Ō E I A.

Ad noua non solito defleſſens gaudia niſu,
 Sarmaticis etiam voluit recrearier oris,
 Hinc totum luſtrans, vbi Cynthum ponere poſſit,
 Caſtalia memor ipſe fugæ per ſingula currit,
 Viſtuleas miratur aquas, ripaſq; virentes,
 Vmbroſoſq; ſtupet lucos, vallesq; reduſtas,
 Et vario curſu venientia ludere ſecum
 Flumina, decurrunt quorum oſtia vortice torto,
 Intrantq; aſſiduis gyris per littora Ponti;
 Iam virides ſyluas, dumeta, ac teſqua pererrat,
 Vt tantum leniret iter, flexoſq; reſſus;
 Oppida iam numerat, pleno iam labitur aluô:
 Quotquot Pierio fuerant tûm vertice Muſæ,
 Quotquot in Iſtuleis fuerant Acheloides vndis,
 Huc propero cunctæ grefſu comitantur euntem
 Gurgitibus rapidis, quâ multâ flauus arenâ
 Iſula fleſſit iter; quâ SENDOMIRIA lymphas
 Agglomerans, SANVS creſcit ſpumantibus akè
 Fluctibus, approperans COMITIA plena videre
 Sauromatûm, Procereſ largo quo tramite tendunt,
 Optatæ pacis ſtudio, belliq; furores
 Mortiferi, patrijs pulſuri a ſinibus. Aſt iam
 Regia celſa tholis ponè eſt, quâ Pergama cœlo
 Sidereo, ſedes Regum VARSOVIA tollit.
 Hinc iter inceptum peragit, populoq; fideli
 TORVNII, forti Suecorum clade reſpreſſâ,
 Gratatur, cupiens libertatemq; perennem.

Nec

Nec mora, nec requies, rectâ certamine summo
 Inde petit GEDANVM. Tum contemplatus ab alto
 Munera, lætitiâq; Deûm, quibus undiq; cœli
 Pulchra NEOSPONSÆ decorant conuiuia, mense.
 (Non secûs ac patriis pridem Cadmeia lustris)
 Gratabundus ouat? personas visere tendens,
 Quæ tibi nunc ô Phæbe dies? quæ gaudia surgunt?
 Quæ pietas? quæ cana fides? læm munera dotis,
 Auguriumq; suum SPONSIS de corde reponit.
 Iamq; iter emensus comitum stipante cateruâ,
 Egreditur vegetus, portis succedit apertis,
 Iuppiter, ut VENETAM olim (inquit) Neptunus in undis.
 Felici GEDANVM (ni fallor) sorte locauit,
 Ipse viris fecit, muris, fossisq; potentem,
 Diues opum videt? en sedes fortissima, asylum
 Prussiadûm, cunctis iterum Neptunia monstrat
 Littora, longinquis merces quæis mittit ad oras
 Gentibus, & Cerere omnigenâ solatur easdem.
 Gratatur SPONSO, quod ad Urbem venerit Almam,
 Coniugiumq; petat, quod SCOTICA Regna relinquens,
 Quærere non dubitet thalamos, SPONSAMQ; venustam.
 Felix ter felix GORDON FRANCISCE vocande,
 Quem Genus & Proavi similes de sanguine Equestri
 Progenitum decorant. NATVM Genitoris ADAMI.
 Cui Patria est GLANBVCHET, sedes FREICHER autâ,
 Fratres in viuis, IOANNES, PATRICIVSQ;
 Qui lucent Domui veluti duo sidera Lada.

Vnâ nobiscum **RICHARDVS GORDON**, honestis
 Moribus excultus, comis, pergratus amicis,
 Craciadûm residens, Frater tuus, incolit ædes:
 Hæc Gens insignis semper *Mauortia* castra,
 Ægisonæq; sequens, summos cumulauit honores,
 Atq; Magistratus gessit, sellasq; curules.

IOANNES Patruus **GORDON** Tuus, ille potentem
 (Cum socijs **EGRÆ**, **Butler**, **Lefelq;** animoso) A D 1634.
Feb. 15.

VALNSTENIVM PILSNÆ, coniuratosq; rebelles
 Cæsaris extinxit, fortem promptusq; **VIENNAM**
 (Vulcano & cædi inscriptam) seruauit, eidem
 Ausis protantis donauit munera **CÆSAR**
FERDNANDVS, technis detectis, fraudeq; pulsâ,
 Auratos Equites inter iussitq; sedere,
 Latus honore suo; patulo celebrabitur orbe
 Fama viri, spectata Fides, & Robur ahenum.

Suspiciens olim noster **REX** inclitus, illi
VLADSLAVS Castris Præfæcti munia donat,
 Horrida fœdisfragus dum *Moschus* bella ciceret,
 Inuictum oppugnans ingenti mole **S MOLENSCVM**.
 Prælia seceilant festiuum *Hymenæe* canamus,
 Hospes **APOLLO** fauet, gladios & spicula temnit.

Visitat hic **SPONSAM**, probitas quam, forma, pudorq;
 Candida mens; animiq; vigor, prudentia (maior
 Annis) condecorat. Quodsi conferre licebit?
 Claudia Vestalis campum pietate relinquet,
 Et laudata olim, modò *Deiopeia* victa?

E P O P Œ I A.

Græca pudicitia palmam mirabitur Hippon,
 Lesbia nec Sappho scripto, nec Clara Corinna
 Doctrinâ, VENETVM aut surget Cassandra fidelis,
 Portia Magne Cato demum tua Filia cedit.
 Omnibus excellit, iunctim hic compendia cernis
 Virtutum, quas sparsim illæ coluere priores.
 Ast hæc parua fero, merito nec digna favori,
 Ne tua laus, VIRGO, nigrâ condatur in umbrâ
 MARGARIS Illustris, quæ Phœbi lampadis instar
 Purpureis fulgens radijs, largiris amicas
 Delicias, Tu Solamen, Cor, Vita, Parentum.
 BORSONIÆ ANNA à Douglas sat dignissima Mater,
 Te genuit, claro sociandam ritè MARITO,
 Huic Pater est IACOBVS PORTIVS, ille benignus
 Instructor morum, calamo, linguâq; disertus,
 Quem noscunt Cathedra Doctorem, & rostra Senatus.
 Si quæris Patruos, plures numerare licebit, (det,
 IACOBO CROŒNA, ANDREA IARSLAVIA, gau-
 Tertius apprimè est nostro haud inglorius orbi
 PORTIVS a Lanxeth, primis ROBERTVS ab annis
 Inuisit gentes varias, nunc Lechica Regna
 Posthabitis laribus feliciter incolit, illum
 Ob dotes animi Ciues cuncti venerantur,
 Clerus amat, Patremq; vocant constantèr egeni.
 Regum VLADSLAI & CASIMIRI plurima faustè,
 Gnauiter & perplexa negotia perficit idem,
 Propter quod Titulum FACTORIS REX dedit, illi.

CROŒNA

ΕΡΟΠΟΕΙΑ

CROSN A sit ipsa satis testis verissima factis.
 Æde Paracâ, cum Censu, binisq; Capellis,
 Campanæ, Turris, Postes, Altaria Diuûm,
 Picturnq;, Pauimentum, subsellia, dextrâ
 Munificâ hæc erexit PORTIVS, atq; dicauit.
 Fins nullus erit fandi, si cætera scripto,
 Rectè factorum seriem, & virtutis obirem.
 Qui tantum semper post funerals laudis habebit,
 Contigerat quantum cuiquam virtutis alumno.
 At quia prouectum fugit in præconia tempus,
 Tempus abest, encomia contraho, dixit Apollo,
 Cum potius deceat pro SPONSIS dicere vota,
 Annuat ipse Pater fulgentis Rector Olympi,
 Pro SPONSIS noua vota nouis, de pectore promo;
 Viuite ritè pares, aeterno fœdere iuncti,
 Promissamq; fidem thalamis, animisq; tenete,
 Et gnatos dulces, seros numerate Nepotes.
 Dixit, & oculus patrias migravit ad oras,
 Sicelidum sese retrò comitante Coronâ:
 Omnes gratisonam extemplò sonuère loquelam,
 Faxit. lo cuncti vocem geminemus eandem,
 Concordes SPONSIS felicia secula uiuant,
 VIVANT: & dulci sobolescant stirpe vegentes.

